

**Opšti uslovi korištenja usluga Porsche Leasing d.o.o.
koji se primjenjuju u FBiH u poslovanju sa fizičkim licima i informaci
oni list**

Februar, 2023. godine

SADRŽAJ

1.	OPŠTE ODREDBE	3
2.	ZNAČENJE IZRAZA	3
3.	USLOVI ZA USPOSTAVLJANJE ODNOSA IZMEĐU PORSCHE LEASINGA I KORISNIKA LEASINGA.....	4
4.	NAČIN KOMUNIKACIJE IZMEĐU PL I KORISNIKA LEASINGA.....	5
5.	USLOVI ZA OBAVLJANJE ODNOSA IZMEĐU PL I KORISNIKA LEASINGA	5
6.	NOMINALNA I EFEKTIVNA KAMATNA STOPA	5
7.	PROMJENA I USKLAĐIVANJE NOMINALNE KAMATNE STOPE.....	6
8.	VLASNIŠTVO PREDMETA LEASINGA	6
9.	OSIGURANJE PREDMETA LEASINGA.....	6
10.	NAKNADE I TROŠKOVI KOJI PADAJU NA TERET KORISNIKA LEASINGA.....	6
11.	PRIJEVREMENA OTPLATA.....	7
12.	ODUSTANAK OD UGOVORA.....	7
13.	OBAVIJEST O STANJU DUGA	7
14.	POSEBNE ODREDBE ZA KORISNIKE LEASINGA I ZASTUPNIKE I POVEZANA LICA KOJA SE NAĐU NA LISTAMA SANKCIONISANIH LICA OD STRANE MEĐUNARODNIH ORGANIZACIJA I/ILI ORGANA BOSNE I HERCEGOVINE	7
15.	RASKID UGOVORA.....	8
16.	INSTRUMENTI OBEZBJEĐENJA UGOVORA	9
17.	PRIGOVORI KLIJENATA	9
18.	ZAVRŠNE ODREDBE	9
19.	INFORMACIONI LIST PORSCHE LEASING D.O.O.	11

1. OPŠTE ODREDBE

Opšti uslovi poslovanja i Informacioni list Porsche Leasing d.o.o. sa fizičkim osobama na području Federacije Bosne i Hercegovine (u daljem tekstu: Opšti uslovi poslovanja) koji se primjenjuju za fizičke osobe na području Federacije Bosne i Hercegovine (u daljem tekstu: Korisnik leasinga) predstavljaju akt poslovne politike Porsche Leasing d.o.o. (u daljem tekstu: PL) kojom se utvrđuju opšti standardi pod kojima PL odobrava leasing Korisniku Leasinga, uslovi za uspostavljanje odnosa i postupak komunikacije između PL i Korisnika Leasinga te ostali uslovi za obavljanje poslova leasinga između njih.

U skladu sa ovim Opštim uslovima poslovanja, Korisnik leasinga je fizičko lice sa mjestom prebivališta na području Federacije Bosne i Hercegovine koje stupa u poslovni odnos sa PL-om radi korištenja usluga leasinga.

Finansijski leasing je finansiranje kupovine sa pravom korištenja predmeta leasinga do isteka ugovora. Pravo vlasništva prenosi se na Korisnika Leasinga po isplati posljednje rate i svih drugih obaveza po osnovu zaključenog ugovora.

Donošenjem i dosljednom primjenom ovih Opštih uslova osigurava zaštitu prava i interesa Korisnik leasinga te primjenu dobrih poslovnih običaja, dobre poslovne prakse i fer odnosa prema Korisniku leasinga. PL se obavezuje da će se dosljedno pridržavati sljedećih načela:

- savjesnosti i poštenja;
- postupanja sa pažnjom dobrog stručnjaka u izvršavanju svojih obaveza;
- ravnopravnog odnosa sa Korisnik leasinga;
- zaštite od diskriminacije;
- transparentnog poslovanja i informisanja;
- ugovaranja obaveza koje su određene ili odredive;
- prava Korisnik leasinga na prigovor i obeštećenje.

PL se obavezuje pridržavati svih naprijed navedenih načela u svim fazama zasnivanja i postojanja poslovnog odnosa sa Korisnikom Leasinga

2. ZNAČENJE IZRAZA

U Opštim uslovima poslovanja i ugovora o leasingu za fizička lica određeni pojmovi imaju značenje u smislu kako je navedeno:

- **Leasing** je pravni posao u kojem Davaoc leasinga prenosi pravo posjedovanja i korištenja Predmeta leasinga na Korisnika leasinga na određeni vremenski rok, a zauzvrat Korisnik leasinga se obavezuje da mu za to plaća ugovorenu leasing naknadu.
- **Finansijski leasing** je pravni posao u kojem Korisnik leasinga u periodu posjedovanja i korištenja Predmeta leasinga plaća ugovorenu leasing naknadu sa opcijom kupovine i sticanja prava vlasništva nad Predmetom leasinga, i to isplatom posljednje rate, te snosi troškove amortizacije Predmeta leasinga.

- **Ugovor** podrazumijeva Ugovor o leasingu zajedno sa Opštim uslovima, Zahtjevom za zaključenje Ugovora, Pozivom za prvo plaćanje, Zapisnikom o preuzimanju Predmeta leasinga u ime Davaoca leasinga, Otplatnim planom, punomoćima, Aneksima na Ugovor i dodatnim ugovorima ukoliko postoje, kao njegovim sastavnim, neodvojivim i obavezujući dijelovima.
- **Davalac leasinga** označava „Porsche leasing“ d.o.o.
- **Korisnik leasinga** označava fizičko lice, koje je sa „Porsche leasing“ d.o.o. zaključilo Ugovor kao glavni dužnik, na osnovu kojeg stiče pravo posjedovanja i korištenja Predmeta leasinga.
- **Sudužnik** označava pravno ili fizičko lice koje je sa Davaocem leasinga zaključilo Ugovor, na osnovu kojeg odgovara Davaocu leasinga sa Korisnikom leasinga, pod jednakim uslovima kao i Korisnik leasinga, za sve obaveze Korisnika leasinga.
- **Dobavljač** Predmeta leasinga je lice koje je prema slobodnoj volji i vlastitom nađenju odabrao Korisnik leasinga, te koje na osnovu ugovora ili na drugi zakonom propisan način nabavlja i isporučuje Predmet leasinga, te na Davaoca leasinga prenosi pravo vlasništva nad Predmetom leasinga.
- **Predmet leasinga** je pokretna ili nepokretna stvar, u skladu sa propisima koji uređuju vlasništvo, odnosno druga stvarna prava, nabavka i korištenje koje se finansira putem leasinga, a koja je jasno naznačena u Ugovoru.
- **Leasing naknada** je novčani iznos koji Korisnik leasinga plaća Davaocu leasinga na osnovu posjedovanja i korištenja Predmeta leasinga, a čiji je iznos prikazan u Otplatnom planu, te je promjenljiva u skladu sa odredbama Ugovora.
- **Učešće** je novčani iznos koji Korisnik leasinga plaća Davaocu leasinga prilikom zaključenja Ugovora, a koji umanjuje osnovicu za obračun leasing naknade, te koji se ne vraća Korisniku leasinga u slučaju raskida Ugovora.
- **Troškovi zaključenja Ugovora** obuhvataju troškove zaključenja Ugovora u iznosu izričito navedenom u Ugovoru.
- **Primjena** Ugovora počinje na dan preuzimanja Predmeta leasinga od strane Korisnika leasinga.
- **EURIBOR** označava fluktuirajuću kamatnu stopu, koja predstavlja cijenu novca na međubankarskom tržištu.
- **Kamatna stopa** je Ugovorom utvrđena kamatna stopa, koja zajedno sa EURIBOR-om čini ukupnu kamatnu stopu.
- **Strana sa ograničenjima** označava svakog pojedinca ili entitet koji je:
 - naveden kao takav, u vlasništvu ili pod kontrolom lica koje se nalazi na listama sankcija,
 - vlada zemlje koja se sankcioniše,
 - agencija ili instrument, ili entitet direktno ili indirektno u vlasništvu ili pod kontrolom vlade sankcionisane zemlje,
 - sa prebivalištem ili se nalazi u sankcionisanoj zemlji, obavlja djelatnosti iz te zemlje ili je osnovan u skladu sa zakonom sankcionisane zemlje,
 - meta sankcija, prema najboljem saznanju Korisnika leasinga ili matične kompanije ili sa kojom bi saradnja Davaoca leasinga predstavljala kršenje sankcija.
- **Sankcija** označava ekonomsku ili finansijsku sankciju ili trgovinski embargo ili drugu zabranu u skladu sa zakonima o borbi protiv terorizma ili zakonima u vezi zabrane izvora koji regulišu ponašanje koje nameće, uređuje ili sprovodi bilo koji organ za sankcije.
- **Sankcionisana zemlja** označava svaku zemlju ili drugu teritoriju koja je predmet zajedničkog izvoznog, uvoznog, finansijskog ili investicionog embarga u vezi sa bilo kojim sankcijama počev od datuma ovog sporazuma, uključujući Krim nevladine kontrolisane strane u oblastima Donjecka i Luganska u Ukrajini, Krimu, Kubi, Iranu, Sjevernoj Koreji i Siriji.
- **Institucije za sankcionisanje su:**
 - Sjedinjene Američke Države,
 - Savjet bezbjednosti Ujedinjenih nacija,
 - Evropska Unija ili bilo koja njena država članica,
 - Ujedinjeno Kraljevstvo,
 - nadležni organi Bosne i Hercegovine ili
 - odgovarajuće vladine institucije bilo koje od gore navedenih institucija.
- **Sankcioni spisak** označava bilo koju od lista posebno određenih državljana, određenih ili sankcionisanih pojedinaca ili entiteta (ili ekvivalenata) koje izdaje institucija za sankcije sa periodičnim izmjenama, dopunama ili zamjenama.

3. USLOVI ZA USPOSTAVLJANJE ODNOSA IZMEĐU PORSCHE LEASINGA I KORISNIKA LEASINGA

U pregovaračkoj fazi PL informiše Korisnik leasinga o uslovima i svim bitnim karakteristikama usluge koju nudi u obliku standardnog informacionog lista na reprezentativnom primjeru usluge, u pisanoj formi ili elektronskom obliku.

Korisnik leasinga podnosi zahtjev za leasing PL-u uz koji dostavlja dokumentaciju predviđenu aktima poslovne politike

PL-a, među kojom je i dokumentacija kojom se utvrđuje njegova kreditna sposobnost na osnovu čega PL odlučuje da li će odobriti zahtjev za leasing.

PL prima zahtjev za leasing u obradu samo u slučaju kada je prikupljena cjelokupna dokumentacija.

PL zadržava pravo da od Korisnika leasinga zahtjeva i dodatnu dokumentaciju i informacije kao uslov za uspostavljanje poslovne saradnje, odnosno zaključenje ugovora. Po prijemu zahtjeva, provodi mjere identifikacije, vrši procjenu Korisnika leasinga odnosno utvrđuje kreditnu sposobnost podnosioca zahtjeva i drugih učesnika (sudužnik). PL kreditnu sposobnost procjenjuje na osnovu podataka i dokumentacije koju dobije od Korisnika leasinga i na osnovu uvida u bazu podataka Centralnog registra kredita CBBH (u daljem tekstu CRK).

PL ima pravo u skladu sa važećim zakonskim propisima povjeriti trećim osobama provođenje mjera identifikacije i praćenja Korisnika leasinga.

PL ima pravo na slobodan izbor Korisnik leasinga što uključuje i diskreciono pravo da odbije uspostavljanje poslovne saradnje sa Korisnikom Leasinga bez obzira na formalnu ispunjenost uslova od strane Korisnika leasinga.

Prilikom obavljanja procjene, a u skladu sa Zakonom o sprječavanju pranja novca i finansiranja terorističkih aktivnosti, PL može odbiti stupanje u poslovni odnos sa Korisnikom leasinga bez davanja objašnjenja.

4. NAČIN KOMUNIKACIJE IZMEĐU PL I KORISNIKA LEASINGA

PL će, osim ako nije drugačije ugovoreno, upućivati i davati Korisniku Leasinga sve potvrde, obavijesti, izvještaje, pozive i ostvarivati sve druge oblike komunikacije vezano za obavljanje poslova iz ugovora na adresu (uključujući i adresu elektronske pošte) i brojeve navedene u zaglavlju ugovora odnosno putem drugih distribucijskih kanala.

Korisnik leasinga će dostavljati PL-u potvrde, obavijesti, pozive kao i ostvarivati sve druge oblike komunikacije vezano za obavljanje poslova iz ugovora na adrese i brojeve navedene u ugovorima.

Za potrebe pružanja svih usluga smatrat će se da je obavijest i ostala međusobna komunikacija zaprimljena ukoliko je ista pristigla u toku radnog vremena PL-a, osim u slučaju preporučenih pošiljki, ukoliko se pošiljka iz bilo kojeg razloga ne može uručiti primatelju putem dostave, na dan kada je primatelju ostavljena obavijest o prispjeću pošiljke od pravnog subjekta ovlaštenog za dostavu pošiljaka.

PL i Korisnik leasinga su obavezni bez odgađanja međusobno jedni druge obavještavati o bilo kakvim promjenama adresa i drugih podataka relevantnih za obavještavanje. Smatrat će se da je obavijest propisano dostavljena drugoj stranci ako je takva obavijest poslana na adrese / brojeve, odnosno adrese i brojeve PL navedene u zaglavlju ugovora.

5. USLOVI ZA OBAVLJANJE ODNOSA IZMEĐU PL I KORISNIKA LEASINGA

Poslovanje između PL-a i Korisnika leasinga obavlja se zaključivanjem ugovora o leasingu. Ugovor o leasingu se zaključuje u pisanoj formi u dovoljnom broju primjeraka za obje ugovorne strane.

Svaka ugovorna strana zadržava svoj primjerak ugovora. Pri zaključivanju ugovora o leasingu PL uz ugovor uručuje Korisniku leasinga i jedan primjerak Otplatnog plana koji čini sastavni dio ugovora o finansijskom leasingu. Otplatni plan je plan otplate kojim se definiše iznos i datum otplate glavnice i kamate koje je Korisnik leasinga obavezan plaćati po ugovoru. Drugi primjerak Otplatnog plana zadržava PL u svojoj dokumentaciji.

Sastavni, neodvojivi i obavezujući dijelovi Ugovora su: Opšti uslovi poslovanja PL-a, Zahtjev za zaključenje ugovora, Poziv za prvo plaćanje, Zapisnik o preuzimanju Predmeta leasinga u ime PL-a, Otplatni plan, punomoći, Aneksi na Ugovor i dodatni ugovori ukoliko postoje, a koji prethode Ugovoru ili će biti sačinjeni na osnovu ili u vezi sa ovim Ugovorom.

6. NOMINALNA I EFEKTIVNA KAMATNA STOPA

Visina nominalne kamatne stope i pripadajuće naknade zavise od predmeta finansiranja i boniteta / kreditne sposobnosti Korisnik leasinga. Ugovorena nominalna kamatna stopa može biti fiksna i promjenljiva.

Nominalna kamata sa fiksnom kamatnom stopom podrazumijeva da se kamatna stopa ne mijenja u periodu važenja ugovora o leasingu.

Promjenljiva nominalna kamata podrazumijeva tržišno indeksiranu kamatnu stopu koja se sastoji od promjenljivog i fiksnog elementa kamatne stope. Promjenljivi element nominalne kamatne stope utvrđuje se na bazi 3-mjesečnog EURIBOR-a kao

referentne stope na evropskom međubankarskom tržištu koju objavljuje Evropska Centralna Banka. Metod koji se primjenjuje kod obračuna kamatnih stopa je proporcionalni.

Referentna kamatna stopa (promjenjivi element kamatne stope) je Euribor. PL u svojim poslovnim prostorijama drži istaknuto obavještenje o kretanju vrijednosti ugovorenih promjenjivih elemenata - referentnih kamatnih stopa.

Euribor je međubankarska referentna kamatna stopa koja se primjenjuje u zoni Eura. Utvrđuje ga Evropska bankarska federacija i Asocijacija za finansijska tržišta. Izračunava se kao prosjek kamatnih stopa u okviru panela prvoklasnih banaka koje nude sredstva na određen period. U zavisnosti od ročnosti ponuđenih sredstava razlikuje se nedjeljni, dvonedjeljni, tronedjeljni, mjesečni, tromjesečni, šestomjesečni i sl. Euribor.

Efektivna kamatna stopa (EKS) je diskontna stopa koja izjednačava, na godišnjoj osnovi, sadašnje vrijednosti svih novčanih tokova, odnosno sadašnje vrijednosti svih novčanih primanja sa sadašnjim vrijednostima svih novčanih izdataka po osnovu korišćenja finansijskih usluga koji su poznati u momentu iskazivanja ove stope.

U slučaju da Korisnik leasinga ne izvrši svoje obaveze u roku njihove dospelosti na sve dospjele, a neizmirene iznose, PL obračunava zateznu kamatu u skladu sa zakonskim odredbama.

7. PROMJENA I USKLAĐIVANJE NOMINALNE KAMATNE STOPE

Prilagođavanje kamatne stope bit će vršeno po završetku svakog kvartala, u slučaju promjene tromjesečnog EURIBOR-a, ako je povećanje ili smanjenje EURIBOR-a +/- 0,25 procentnih poena, te ako je do isteka Ugovora ostalo duže od šest (6) mjeseci o čemu će Korisnik leasinga biti obaviješten pismenim putem prije nego što se novi Otplatni plan počne primjenjivati. Svaki novi otplatni plan je obavezujući za Korisnika leasinga i činit će sastavni dio ugovora o leasingu.

Kao početna vrijednost referentne stope uzima se vrijednost EURIBOR-a na zadnji dan prethodnog kvartala.

Osnov za izmjenu važeće nominalne kamatne stope predstavlja razliku između vrijednosti referentne stope koja se primjenjivala u sastavu nominalne kamatne stope na dan zaključenja ugovora odnosno na dan posljednjeg usklađivanja (promjene) i referentne stope utvrđene na zadnji dan tekućeg referentnog perioda.

8. VLASNIŠTVO PREDMETA LEASINGA

Za svo vrijeme trajanja Ugovora o leasingu isključivi vlasnik Predmeta leasinga je PL. Korisnik leasinga može steći pravo vlasništva nad Predmetom leasinga tek po ispunjenju svih svojih obaveza.

Tokom trajanja Ugovora, Korisnik leasinga ima pravo posjedovanja i korištenja Predmeta leasinga, ali samo pod uslovom da uredno izmiruje svoje obaveze iz Ugovora.

9. OSIGURANJE PREDMETA LEASINGA

Za cijelo vrijeme trajanja Ugovora, Predmet leasinga mora biti propisno osiguran od svih rizika u obimu i na način koji odredi PL (kasko osiguranje motornih vozila, osiguranje protiv požara, elementarnih nepogoda, izljeva vode, krađe, loma, od odgovornosti i dr.), protiv kojih se predmet leasinga može osigurati kod osiguravajućeg društva prema listi osiguravajućih društava prihvatljivih za PL. U slučaju ne izmirivanja obaveza prema osiguravajućoj kući po osnovu kasko osiguranja PL može Korisniku leasinga poslati obavijest o navedenom kašnjenju o svom trošku.

10. NAKNADE I TROŠKOVI KOJI PADAJU NA TERET KORISNIKA LEASINGA

Korisnik leasinga ima obavezu snositi sljedeće naknade i troškove:

- **Troškovi zaključenja ugovora** – obračunava se jednokratno i naplaćuje prilikom dostavljanja poziva na prvo plaćanje.
- **Naknada za reprogram ugovora o leasingu** – obračunava se i naplaćuje jednokratno i po provedenoj transakciji. Naknada se naplaćuje nakon odobrenja reprograma, a prije zaključenja aneksa ugovora o leasingu.,.

- **Naknada za odustajanje od odobrenog finansiranja po zahtjevu za leasing** – U slučaju da Korisnik leasinga odustane od zaključenog Ugovora, PL ima pravo zadržati ugovorene troškove obrade zahtjeva za zaključenje Ugovora i ostale troškove nastale zaključenjem Ugovora. Korisnik leasinga ima pravo na povrat uplaćenog učešća i pripadajućih poreza.

Za Korisnika leasinga, pored navedenih naknada, mogu nastati i sljedeći troškovi:

- Trošak kupovine mjenice / mjenica,

-Trošak provjere u Registru zaloga te upis zaloga ukoliko je isti neophodan u skladu sa drugim aktima koji posebno regulišu ovu oblast,

-Trošak registracije, obaveznog osiguranja i kasko osiguranja ukoliko je predmet leasinga motorno vozilo, odnosno ukoliko isto podliježe zakonskoj obavezi registracije,

-Trošak provjere boniteta Korisnika leasinga/ Sudužnika,

Navedeni i potencijalni ostali troškovi koji mogu biti obračunati na teret Korisnika leasinga sadržani su u Pravilniku o naknadama PL-a, objavljenom na web stranici www.porscheleasing.ba.

11. PRIJEVREMENA OTPLATA

Korisnik leasinga ima pravo u bilo kojem trenutku izvršiti prijevremenu otplatu Ugovora o leasingu, u potpunosti ili djelimično, prije roka određenog za otplatu, pri čemu Korisnik leasinga koji je fizička osoba ima pravo na umanjeње ukupnih troškova leasinga za iznos kamate i troškova za preostali period trajanja Ugovora. Korisnik leasinga dužan je o namjeri prijevremene otplate obavijestiti PL pisanim putem, najmanje trideset (30) dana unaprijed.

12. ODUSTANAK OD UGOVORA

Korisnik leasinga ima pravo odustati od zaključenog Ugovora u roku od četrnaest (14) dana od dana zaključenja Ugovora, bez navođenja razloga za odustanak. Prije isteka navedenog roka Korisnik leasinga dužan je o svojoj namjeri pisanim putem obavijestiti PL, pri čemu se datum prijema tog obavještenja smatra datumom odustanka od Ugovora.

Korisnik leasinga koji odustane od Ugovora dužan je PL-u, odmah po slanju obavještenja o odustanku od Ugovora vratiti Predmet leasinga. Korisnik leasinga je dužan odmah, a najkasnije u roku od trideset (30) dana od dana slanja obavještenja o odustanku od Ugovora, PL-u nadoknaditi pretrpljenu štetu, ako je došlo do umanjenja vrijednosti Predmeta leasinga.

13. OBAVIJEST O STANJU DUGA

PL je obavezan bez naknade jednom godišnje, na zahtjev Korisnika leasinga, izdati pregled njegovih obaveza i izvršenih plaćanja. U slučaju ugovorene promjenljive kamatne stope, PL je dužan da o izmjeni te stope, pisanim putem ili na drugi ugovoreni način, obavijesti Korisnika leasinga i pritom dostavi besplatno Korisniku leasinga izmijenjen Otplatni plan.

14. POSEBNE ODREDBE ZA KORISNIKE LEASINGA I ZASTUPNIKE I POVEZANA LICA KOJA SE NAĐU NA LISTAMA SANKCIONISANIH LICA OD STRANE MEĐUNARODNIH ORGANIZACIJA I/ILI ORGANA BOSNE I HERCEGOVINE

Korisnik leasinga svojim potpisom na ovim Opštim uslovima potvrđuje da:

- nije strana koja je predmet bilo kakvih restrikcija u poslovanju (u daljem tekstu „Strana sa ograničenjima“),
- nije angažovan u bilo kojoj transakciji, aktivnosti ili ponašanju za koje se razumno očekuje da će dovesti do toga da bude označena kao Strana sa ograničenjima,
- ne učestvuje u bilo kojoj transakciji, aktivnosti ili ponašanju koje može dovesti do kršenja primjenljivih sankcija koje su predviđene odlukama međunarodnih organizacija ili Bosne i Hercegovine,
- nije primio obavještenje ili je na neki drugi način upoznat sa bilo kojim zahtjevom, aktivnošću, sudskim ili drugim postupkom ili istragom u vezi sa Sankcijama međunarodnih institucija ili/i organe Bosne i Hercegovine,

- ne djeluje u ime ili po nalogu bilo koje Ograničene strane u vezi sa predmetom zakupa koji je obuhvaćen ovim Ugovorom.

Korisnik leasinga se ovim sporazumno obavezuje Davaocu leasinga da:

- ne doprinosi ili na drugi način stavlja na raspolaganje svoje ukupne prihode ili bilo koji dio tih prihoda koje stiže po osnovu Predmeta leasinga, direktno ili indirektno, ili ih povjerava u korist bilo kojeg pojedinca ili entiteta radi finansiranja aktivnosti ili transfera, drugih transakcija ili ulaganja prema bilo kojoj Strani sa ograničenjima,
- direktno ili indirektno ne finansira, u cjelini ili djelimično, otplatu ili prijevremenu otplatu Predmeta leasinga iz prihoda koji potiču iz bilo koje transakcije ili aktivnosti koja uključuje Stranu sa ograničenjima,
- ne učestvuju u bilo kojoj transakciji, aktivnosti ili ponašanju koje bi predstavljalo kršenje sankcija koje se primjenjuju na njih,
- ne učestvuje u bilo kojoj transakciji, aktivnosti ili ponašanju koje bi dovelo do toga da Davaoc leasinga ili drugi član Porsche grupacije prekrši bilo koju sankciju ili za koju može razumno očekivati da će doprinijeti tom kršenju zbog čega bi se Korisnik leasinga mogao tretirati kao Strana sa ograničenjima.

Korištenje prihoda

Korisnik leasinga se obavezuje da će obezbijediti da nijedno njegovo povezano lice neće:

- koristiti, pozajmljivati, doprinositi ili na drugi način stavljati na raspolaganje sav ili bilo koji dio prihoda iz bilo koje pozajmice ili druge transakcije predviđene dokumentom o izvršenoj transakciji direktno ili indirektno:
 - za bilo kakvo finansiranje ili omogućavanje bilo koje trgovinske, poslovne ili druge aktivnosti u mjeri u kojoj bi takvo finansiranje ili omogućavanje druge aktivnosti bile zabranjene sankcijama ili bi na drugi način prouzrokovale da bilo koja osoba prekrši sankcije,
 - na bilo koji drugi način za koji se razumno očekuje da će bilo koja osoba, uključujući ali ne ograničavajući se na Korisnika leasinga, prekršiti bilo koju sankciju ili postati sankcionisana strana,
- učestvovati u bilo kojoj transakciji kojom se izbjegava, ili ima za cilj izbjegavanje, ili krši ili pokušava da prekrši, direktno ili indirektno, bilo koje sankcije određene od strane međunarodnih organizacija ili Bosne i Hercegovine,
- finansirati u cijelosti ili djelimično iznose koji su u vezi sa dokumentom o izvršenoj transakciji iz procedure koja proizilazi iz bilo koje akcije koja je u vezi sa kršenjem sankcija.

Ugovorne strane trebaju uspostaviti i održavati politike i procedure razumno pripremljene radi promocije i postizanja usklađenosti sa propisanim sankcijama međunarodnih organizacija i organa Bosne i Hercegovine sa primjenjivim sankcijama.

Ugovorne strane trebaju imati odgovarajuću kontrolu i procese dizajnirane da spriječe bilo kakve aktivnost koje nisu u skladu sa naprijed navedenim.

15. RASKID UGOVORA

PL može u svako doba s trenutnim učinkom jednostrano raskinuti Ugovor dostavljanjem pisanog obavještenja Korisniku leasinga, u slijedećim slučajevima:

- Korisnik leasinga ili Sudužnik daje ili je dao netačne podatke o svojoj zaradi, prihodima i imovini i/ili ako se ustanovi da se stvarno imovinsko stanje,
- Korisnika leasinga bitno razlikuje od onog utvrđenog na osnovu prvobitno datih podataka, u smislu da Porsche Leasing ne bi zaključio Ugovor da je znao za stvarno imovinsko stanje Korisnika leasinga,
- bilo koje sredstvo osiguranja plaćanja predviđeno Ugovorom iz bilo kojeg razloga postane nevažeće ili se ne zamijeni novim sredstvom osiguranja,
- je protiv Korisnika leasinga pokrenut izvršni ili stečajni postupak, ili postupak likvidacije, ili ako Korisnik leasinga iz bilo kojeg razloga postane nelikvidan,
- Korisnik leasinga potpuno ili djelimično kasni sa plaćanjem leasing naknada ili sa plaćanjem drugih dospjelih potraživanja iz Ugovora, te uprkos opomeni ne ispuni svoju obavezu u naknadno ostavljenom roku, u skladu sa Ugovorom,
- Korisnik leasinga nije obavijestio PL o promjeni svog sjedišta, odnosno prebivališta,
- Korisnik leasinga umre ili prestane da postoji, ili izgubi poslovnu sposobnost, odnosno ovlaštenje za poslovanje,
- kod Korisnika leasinga nastupe bilo kakve statusne promjene,
- Korisnik leasinga daje ili je dao netačne podatke o upotrebi ili stanju Predmeta leasinga,
- nastane totalna šteta, uništenje, krađa ili gubitak Predmeta leasinga,
- Korisnik leasinga ne koristi i/ili ne održava Predmet leasinga u skladu sa Ugovorom, ili isti daje u zakup, najam ili na korištenje trećim licima bez saglasnosti PL,

- Korisnik leasinga svojim radnjama ili propustima ugrozi pravo vlasništva ili druga prava i interese PL na Predmetu leasinga,
- Korisnik leasinga grubo krši odredbe Ugovora,
- Uslijed djelovanja više sile kao i aktima prinudnog karaktera koje donose državni organi vlasti i/ili institucije koje mogu i imaju takva ovlaštenja.

16. INSTRUMENTI OBEZBJEĐENJA UGOVORA

PL sa Korisnikom leasinga ugovara sredstva obezbjeđenja ugovora koji mogu biti:

- Sudužništvo, kojim Sudužnik preuzima obavezu da PL solidarno odgovara za cijelu obavezu Korisnik leasinga tako da PL može zahtijevati njeno ispunjenje bilo od glavnog dužnika, tj. Korisnik leasinga, bilo od Sudužnika ili od obojice u isto vrijeme,
- Administrativna zabrana – kojom Korisnik leasinga / Sudužnik daju saglasnost da radi naplate potraživanja PL zaplijeni dio njegove plaće i da se izravno isplati PL na način utvrđen u toj ispravi,
- Mjenica – vrijednosni papir i vjerodostojna isprava koja sadrži obavezu na bezuvjetno plaćanje novčanog iznosa. PL kao mjenični povjerilac može pokrenuti izvršni sudski postupak na osnovu vjerodostojne isprave,
- Založno pravo na pokretnoj ili nepokretnoj imovini,
- Druge vrste obezbjeđenja prihvatljive za PL.

17. PRIGOVORI KLIJENATA

U slučaju primjedbi na postupanje PL po osnovu propisa, zaključenog ugovora o finansijskom leasingu i dobrih poslovnih običaja Korisnik leasinga ima pravo podnijeti usmeni ili pisani prigovor PL na adresu: Porsche Leasing d.o.o., ul. Trg međunarodnog prijateljstva 24, 71000 Sarajevo, sa naznakom "Prigovor / pritužba Korisnik leasinga" ili slanjem prigovora / pritužbi na email adresu prigovor@porscheleasing.ba. PL po prigovoru odlučuje u roku od 30 dana od dana prijema prigovora.

U slučaju da je Korisnik leasinga nezadovoljan odgovorom, ima pravo svoj prigovor uputiti Agenciji za bankarstvo na adresu:
- Agencija za bankarstvo Federacije BiH, ul. Zmaja od Bosne 47b, Sarajevo.

U slučaju da se nastali spor nije mogao riješiti na prethodno navedeni način, PL ima pravo na sudsku zaštitu, podnošenjem tužbe nadležnom sudu.

18. ZAVRŠNE ODREDBE

Svi pojedinačni ugovori o finansijskom leasingu koji budu zaključeni između PL i Korisnika leasinga moraju sadržavati odredbu da su Korisniku leasinga predočeni Opšti uslovi poslovanja, da je sa sadržajem istih upoznat i da iste prihvata, a na zahtjev Korisnik leasinga isti mu se i uručuju bez naknade.

PL je dužan da Korisniku leasinga pruži odgovarajuća objašnjenja i instrukcije koje se odnose na primjenu ovih Opštih uslova poslovanja te na zahtjev Korisnik leasinga dostaviti iste.

U slučaju neusklađenosti odredbi pojedinačnih ugovora sa Opštim uslovima poslovanja poslovanja primarno će se primjenjivati odredbe ugovora.

Pored Opštih uslova poslovanja PL može sačinuti i određene opšte ili posebne uslove za konkretan ugovor, a koji uslovi će u tom slučaju predstavljati sastavni dio ugovornog odnosa PL i Korisnik leasinga.

Opšti uslovi poslovanja objavljuju se najkasnije 15 dana prije početka njihove primjene i dostupni su na vidnom mjestu u svim poslovnim prostorijama PL i na web stranici www.porscheleasing.ba na jednom od jezika koji su u službenoj upotrebi u Bosni i Hercegovini.

PL zadržava pravo izmjene ovih Opštih uslova poslovanja. PL će o izmjenama i dopunama ovih Opštih uslova poslovanja obavijestiti Korisnik leasinga isticanjem u svim poslovnim prostorijama PL kao i objavljivanjem na web stranici

www.porscheleasing.ba i to najkasnije 15 dana prije početka njihove primjene. Smatraće se da je Korisnik leasinga uredno obavješten o izmjenama i dopunama Opštih uslova poslovanja danom objave na web site-u PL-a www.porscheleasing.ba kao i isticanjem na vidnom mjestu u poslovnim prostorijama PL-a.

Ovi Opšti uslovi poslovanja usvojeni su od strane Uprave PL dana 20.02.2023. godine i bit će objavljeni u poslovnim prostorijama PL kao i na web stranici www.porscheleasing.ba, a primjenjuju se po isteku petnaestog dana od dana isticanja u poslovnim prostorijama odnosno objavljivanjem na web stranici, tj. od 07.03.2023. godine.

Februar, 2023. godine

19. INFORMACIONI LIST PORSCHE LEASING D.O.O.

INFORMACIONI LIST PORSCHE LEASING D.O.O.		
Naziv i adresa sjedišta Davaoca leasinga:	Porsche Leasing d.o.o., Trg međunarodnog prijateljstva 24, 71000 Sarajevo	
1.1. Naziv usluge:	Finansijski leasing	
1.2. Predmet leasinga: Reprezentativni primjeri za novo i polovno vozilo	Putničko vozilo novo: Škoda Rapid Spaceback Style 1.2 TSI	Putničko vozilo polovno: Volkswagen Cros Up 1.0
1.3. Bruto vrijednost predmeta leasinga: navedena vrijednost vozila uključuje PDV za nova vozila, za polovna može ili ne mora. Dobavljač određuje bruto vrijednost i ista je vidljiva na računu za predmetno vozilo.	26.910,00 KM (13.758,86 EUR)	25.000,00 KM (12.782,30 EUR)
1.4. Iznos učešća novog predmeta leasinga: Učešće je novčani iznos koje Korisnik leasinga plaća Porsche Leasingu prilikom zaključenja ugovora, a koji umanjuje osnovicu za obračun leasing naknade i ne vraća se korisniku u slučaju raskida ugovora.	7.676,30 KM (3.924,83 EUR), odnosno 28,53% od bruto vrijednosti predmeta leasinga.	12.361,76 KM (6.320,47 EUR), odnosno 49,45% od bruto vrijednosti predmeta leasinga.
1.5. Iznos finansiranja: Navedni iznos predstavlja razliku između bruto nabavne vrijednosti predmeta leasinga i iznosa učešća	19.233,69 KM (9.834,03 EUR)	12.638,24 KM (6.461,83 EUR)
1.6. Valuta finansiranja:	Ugovorena leasing naknada obračunata je u valuti EUR, te iskazana u protuvrijednosti domaće valute konvertibilnim markama (KM) prema srednjem kursu Centralne banke Bosne i Hercegovina na dan plaćanja, pri čemu kurs na dan zaključenja Ugovora iznosi 1 EUR = 1,9583 KM.	
1.7. Trajanje ugovora: Period na koji se zaključuje ugovor o leasingu	48 mjeseci	60 mjeseci
1.8. Iznos i broj leasing naknade i periodi u kojima dospjevaju (mjesečno, tromjesečno i sl.)	Iznos mjesečne leasing naknade je: 456,12 KM (233,21 EUR) Broj ugovorenih leasing naknada: 48 Ugovorena preostala vrijednost: 0,00 KM (0,00 EUR)	Iznos mjesečne leasing naknade je: 253,24 KM (129,48 EUR) Broj ugovorenih leasing naknada: 60 Ugovorena preostala vrijednost: 0,00 KM (0,00 EUR)
	Period dospijanja: Dospijanje leasing naknada prikazani su u Otplatnom planu koji se Korisniku leasinga dostavlja poslije aktiviranja Ugovora o finansijskom leasingu. Korisnik leasinga dužan je izvršavati sva plaćanja u skladu sa Otplatnim planom, bez posebnih obavijesti od strane Porsche Leasinga o dospijanju.	
1.9. Visina nominalne kamatne stope i elementi na osnovu kojih će se određivati ugovorena promjenjiva nominalna kamatna stopa.	Nominalna kamatna stopa je promjenjiva i iznosi 6,50% a sastoji se od tromjesečnog EURIBOR-a u iznosu od -0,33% (referente kamatne stope - Euribora tj. varijabilnog dijela) i fiksnog dijela u iznosu od 6,83%. Metod koji se primjenjuje kod obračuna kamatne stope je proporcionalni. Kamatna stopa je promjenjiva i vezana za tromjesečni Euribor. Promjenjiva nominalna kamatna stopa sastoji se iz dva elementa: referente kamatne stope -	Nominalna kamatna stopa je promjenjiva i iznosi 7,50% a sastoji se od tromjesečnog EURIBOR-a u iznosu od -0,33% (referente kamatne stope - Euribora tj. varijabilnog dijela) i fiksnog dijela u iznosu od 7,83%. Metod koji se primjenjuje kod obračuna kamatne stope je proporcionalni. Kamatna stopa je promjenjiva i vezana za tromjesečni Euribor. Promjenjiva nominalna kamatna stopa sastoji se iz dva elementa: referente kamatne stope -

	<p>Euribora tj. varijabilnog dijela i fiksnog dijela. Tromjesečni Euribor se utvrđuje na zadnji dan prethodnog kvartala tekuće godine zaključenja Ugovora prema posljednjoj objavljenosti informaciji od strane European Central Bank-ECB ili TomsonReuters OTC i u ovom primjeru je iznosio -0,33%. Fiksni element kamatne stope je fiksna za čitav period trajanja ugovora ne može se mijenjati.</p>	<p>Euribora tj. varijabilnog dijela i fiksnog dijela. Tromjesečni Euribor se utvrđuje na zadnji dan prethodnog kvartala tekuće godine zaključenja Ugovora prema posljednjoj objavljenosti informaciji od strane European Central Bank-ECB ili TomsonReuters OTC i u ovom primjeru je iznosio -0,33%. Fiksni element kamatne stope je fiksna za čitav period trajanja ugovora ne može se mijenjati.</p>
<p>1.10. Visina efektivne kamatne stope i ukupan iznos koji će Korisnik leasinga platiti tokom perioda otplate leasinga (Reprezentativni primjer u kome su naznačeni svi elementi na osnovu kojih je taj iznos obračunat)</p>	<p>Efektivna kamatna stopa (EKS) iznosi 17,76% i izračunata je sa sljedećim parametrima: - Iznos finansiranja 19.233,69 KM (9.834,03 EUR) sa nominalnom kamatnom stopom od 6,5%, rokom otplate 48 mjeseci i troškovima zaključenja ugovora od 345,01 KM (176,40 EUR), kao i sa troškovima provjere Korisnika leasinga i Predmeta leasinga od 10,00 KM (5,11 EUR), odnosno sa troškovima u ukupnom iznosu 355,01 KM (181,51 EUR). - Zatim sa uključenim PDV-om na kamatu i gore navedene troškove od 512,56 KM (262,07 EUR). - Te troškovima kasko osiguranja za cijelo vrijeme trajanja Ugovora od 2.813,27 KM (1.438,41 EUR), godišnji iznos 703,32 KM (359,61 EUR). Ukupan iznos leasing naknade koji Korisnik leasinga treba da plati predstavlja zbir iznosa leasinga i ukupnih troškova koje Korisnik leasinga snosi i na reprezentativnom primjeru iznosi 33.250,86 KM (17.000,90 EUR). (Izračunat kao zbir iznosa finansiranja koji iznosi 19.233,69 KM (9.834,03 EUR) i ukupnih</p>	<p>Efektivna kamatna stopa (EKS) iznosi 9,60% i izračunata je sa sljedećim parametrima: - Iznos finansiranja 12.638,24 KM (6.461,83 EUR) sa nominalnom kamatnom stopom od 7,5%, rokom otplate 60 mjeseci i troškovima zaključenja ugovora od 374,99 KM (191,73 EUR), kao i sa troškovima provjere Korisnika leasinga i Predmeta leasinga od 10,00 KM (5,11 EUR), odnosno sa troškovima u ukupnom iznosu 384,99 KM (196,84 EUR). - Zatim sa uključenim PDV-om na kamatu i gore navedene troškove od 500,01 KM (255,64 EUR). - Te troškovima kasko osiguranja za cijelo vrijeme trajanja Ugovora od 3.325,10 KM (1.700,10 EUR), godišnji iznos 665,02 KM (340,02 EUR). Ukupan iznos leasing naknade koji Korisnik leasinga treba da plati predstavlja zbir iznosa leasinga i ukupnih troškova koje Korisnik leasinga snosi i na reprezentativnom primjeru iznosi 31.766,31 KM (16.241,86 EUR). (Izračunat kao zbir iznosa finansiranja koji iznosi 12.638,24 KM (6.461,83 EUR) i ukupnih</p>

	troškova u iznosu 14.017,17 KM (7.166,87 EUR), a koji predstavljaju zbir ukupne kamate, učešća, troškova zaključenja ugovora, troškova provjere, PDV-a i troškova kasko osiguranja).	troškova u iznosu 19.128,07 KM (9.780,03 EUR), a koji predstavljaju zbir ukupne kamate, učešća, troškova zaključenja ugovora, troškova provjere, PDV-a i troškova kasko osiguranja).
1.11. Pravo Korisnika leasinga da dobije besplatnu kopiju nacrtu Ugovora	Korisnik leasinga ima pravo da na zahtjev dobije besplatnu kopiju nacrtu Ugovora, izuzev ukoliko Porsche Leasing u vrijeme podnošenja zahtjeva ocjeni da ne postoje uslovi za zasnivanje poslovnog odnosa sa Korisnikom leasinga.	
1.12. Kamatna stopa koja se primjenjuje u slučaju kašnjenja u izmirenju obaveza	Ukoliko Korisnik leasinga kasni sa plaćanjem dospjelih obaveza iz ovog Ugovora, po bilo kojem osnovu, Korisnik leasinga dužan je platiti zateznu kamatu za svaki dan kašnjenja u skladu sa Zakonom o visini stope zatezne kamate koja iznosi u FBiH 10% godišnje.	
1.13. Naknade i troškovi koji padaju na teret Korisnika leasinga	<p>Korisnik leasinga ima obavezu snositi sljedeće naknade i troškove:</p> <ul style="list-style-type: none"> - Troškovi zaključenja ugovora – obračunavaju se jednokratno i naplaćuje prilikom dostavljanja poziva na prvo plaćanje, - Naknada za reprogram ugovora o leasingu – obračunava se jednokratno i naplaćuje nakon odobrenja reprograma, a prije zaključenja aneksa Ugovora o leasingu, - Naknada za odustajanje od odobrenog finansiranja po zahtjevu za leasing – U slučaju da Korisnik leasinga odustane od zaključenog Ugovora, Porsche Leasing ima pravo zadržati ugovorene troškove obrade zahtjeva za zaključenje Ugovora i ostale troškove nastale zaključenjem Ugovora. Korisnik leasinga ima pravo na povrat uplaćenog učešća i pripadajućih poreza. <p>Za Korisnika leasinga, pored navedenih naknada, mogu nastati i sljedeći troškovi:</p> <ul style="list-style-type: none"> -Trošak kupovine mjenice /mjenica, -Trošak provjere u Registru zaloga te upis zaloga ukoliko je isti neophodan u skladu sa drugim aktima koji posebno regulišu ovu oblast, -Trošak registracije, obaveznog osiguranja i kasko osiguranja ukoliko je predmet leasinga motorno vozilo, odnosno ukoliko isto podliježe zakonskoj obavezi registracije, te svi troškovi koji se odnose na održavanje Predmeta leasinga, -Troškovi notarskih usluga, ukoliko je potrebno radi realizacije finansiranja, -Trošak provjere boniteta Korisnika leasinga/ Sudužnika, <p>Svi navedeni troškovi su fiksno karaktera za period na koji se odnose. Navedeni i potencijalni ostali troškovi koji mogu biti obračunati na teret Korisnika leasinga sadržani su u Pravilniku o naknadama PL-a, objavljenom na web stranici www.porscheleasing.ba.</p>	
1.14. Uslovi za realizaciju leasinga – zaključenje ugovora (polica osiguranja predmeta leasinga/imovine i drugi ugovori o sporednim uslugama)	Korisnik leasinga je obavezan da o svom trošku, prije preuzimanja Predmeta leasinga, za Predmet leasinga zaključi policu osiguranja od autoodgovornosti. Za svo vrijeme trajanja Ugovora Korisnik leasinga je dužan, o svom trošku, u ime Porsche Leasinga kao korisnika osiguranja, zaključiti ugovor o kasko osiguranju Predmeta leasinga. Korisnik leasinga je dužan, bez odlaganja, dostaviti Porsche Leasingu jedan originalni primjerak police kasko osiguranja nakon zaključenja iste, kao i kopiju police osiguranja od autoodgovornosti. Za putnička motorna vozila se ugovara puno kasko osiguranje na novonabavnu bruto vrijednost automobila, bez franšiza za štetu ili krađu.	

<p>1.15. Registracija predmeta leasinga:</p>	<p>Registracija vozila: Korisnik leasinga prema mjestu svog prebivališta, odnosno sjedišta podnosi zahtjev za registraciju Predmeta leasinga nadležnom policijskom organu, koji Korisniku leasinga izdaje saobraćajnu dozvolu, a Porsche leasingu potvrdu o vlasništvu. Shodno tome, Porsche Leasing će Korisniku leasinga izdati ovlaštenje za registraciju i Ovlaštenje za korištenje Predmeta leasinga. Troškove registracije, tehničkog pregleda, osiguranja i druge povezane troškove snosit će isključivo Korisnik leasinga.</p> <p>Produženje registracije: Porsche Leasing će ovlastiti Korisnika leasinga za produženje godišnje registracije Predmeta leasinga kada se za to steknu uslovi, odnosno kada Korisnik leasinga izmiri sve dospjele obaveze po ugovoru. U slučaju da Korisnik leasinga ne izmiruje obaveze u skladu sa preuzetim obavezama, Porsche Leasing zadržava pravo da kao vlasnik putničkog automobila uskrati Korisniku leasinga saglasnost za produženje registracije vozila, a Korisnik leasinga je u tom slučaju obavezan vratiti automobil u posjed Porsche Leasinga.</p> <p>Troškove produženja registracije, tehničkog pregleda, osiguranja i druge povezane troškove snosit će isključivo Korisnik leasinga.</p>
<p>1.16. Instrumenti obezbjeđenja ugovora</p>	<p>Porsche Leasing sa Korisnikom leasinga ugovara sredstva obezbjeđenja Ugovora koja mogu biti:</p> <ul style="list-style-type: none"> -Sudužništvo, kojim Sudužnik preuzima obavezu da solidarno odgovara za cijelu obavezu Korisnika leasinga tako da Porsche Leasing može zahtijevati njeno ispunjenje bilo od glavnog dužnika, tj. Korisnika leasinga, bilo od Sudužnika ili od obojice u isto vrijeme, -Administrativna zabrana – kojom Korisnik leasinga/Sudužnik daju saglasnost da radi naplate potraživanja Porsche Leasing zaplijeni dio njegove plaće i da se izravno isplati na način utvrđen u toj ispravi, -Mjenica – vrijednosni papir i vjerodostojna isprava koja sadrži obavezu na bezuvjetno plaćanje novčanog iznosa od Korisnika Leasinga/Sudužnika. Porsche Leasing kao mjenični povjerilac može pokrenuti izvršni sudski postupak na osnovu vjerodostojne isprave, - Založno pravo na pokretnoj ili nepokretnoj imovini, - Druge vrste obezbjeđenja prihvatljive za Porsche Leasing.
<p>1.17. Uslovi i pravo Korisnika leasinga na odustajanja od ugovora i način kao i visina troškova koji nastaju u slučaju odustajanja</p>	<p>Korisnik leasinga ima pravo odustati od zaključenog Ugovora u roku od četrnaest (14) dana od dana zaključenja Ugovora, bez navođenja razloga za odustanak. Prije isteka navedenog roka Korisnik leasinga dužan je o svojoj namjeri pisanim putem obavijestiti Porsche Leasing, pri čemu se datum prijema tog obavještenja smatra datumom odustanka od Ugovora. Korisnik leasinga koji odustane od Ugovora dužan je Porsche Leasingu, odmah po slanju obavještenja o odustanku od Ugovora vratiti Predmet leasinga. Korisnik leasinga je dužan odmah, a najkasnije u roku od trideset (30) dana od dana slanja obavještenja o odustanku od Ugovora, Porsche Leasingu nadoknaditi pretrpljenu štetu, ako je došlo do umanjenja vrijednosti Predmeta leasinga.</p> <p>U slučaju da Korisnik leasinga odustane od zaključenog Ugovora, Porsche Leasing ima pravo zadržati ugovorene troškove obrade zahtjeva za zaključenje Ugovora i ostale troškove nastale zaključenjem Ugovora. Korisnik leasinga ima pravo na povrat uplaćenog učešća i pripadajućih poreza.</p> <p>Ukoliko Korisnik leasinga upotrijebi svoje pravo odustanka od Ugovora, dužan je, odmah po slanju pisanog obavještenja, izvršiti povrat Predmeta leasinga Porsche Leasingu, o vlastitom trošku. Po prijemu obavještenja o odustanku od Ugovora, Porsche Leasing će sačiniti obračun umanjenja vrijednosti Predmeta leasinga, te će ovaj obračun dostaviti Korisniku leasinga. Korisnik leasinga dužan je izvršiti plaćanje ovako obračunate naknade Porsche Leasingu najkasnije u roku od trideset (30) dana od dana slanja obavještenja o odustanku od Ugovora.</p>

	<p>Ukoliko Korisnik leasinga ne obavijesti Porsche Leasing o odustanku, smatrat će se da ne odustaje od Ugovora, te će Porsche Leasing aktivirati Ugovor i staviti leasing sredstva na raspolaganje Korisniku Leasinga.</p> <p>Ukoliko Korisnik leasinga upotrijebi svoje pravo odustanka od Ugovora, a sa Porsche Leasingom je zaključio i ugovore o povezanim sporednim uslugama, smatrat će se da su i ovi ugovori raskinuti, osim u slučaju kada je Korisnik leasinga počeo koristiti takve sporedne usluge po osnovu drugog ugovora. Korisnik leasinga dužan je u pisanom obavještenju o odustanku izričito navesti da odustaje i od sporedne usluge.</p>
1.18. Informacija o posljedicama u slučaju neizmirivanja obaveza	<p>U slučaju kašnjenja sa plaćanjem bilo koje dospjele obaveze iz ugovora, Korisnik leasinga će platiti Porsche Leasingu ugovorenu kamatu na dospjele neizmirene, u visini zakonske zatezne kamate u skladu sa važećim propisima.</p> <p>Ukoliko Korisnik leasinga kasni sa plaćanjem bilo koje obaveze iz i po osnovu Ugovora duže od 15 (slovima: petnaest) dana, Porsche Leasing će pokrenuti proces opominjanja i ispostavljat će Korisniku leasinga opomenu na svakih 15 dana trajanja kašnjenja</p> <p>Ukoliko Korisnik leasinga i pored druge opomene ne ispuni svoje dospjele obaveze iz Ugovora, Porsche Leasing će uputiti i treću opomenu pred raskid Ugovora preporučeno sa povratnicom, te je nakon isteka ostavljenog roka za plaćanje dospjele obaveze iz treće opomene, ovlašten da Ugovor jednostrano raskine, zahtjeva povrat Predmeta Leasinga i/ili pokrene Sudski postupak radi naplate svojih potraživanja.</p> <p>Navedeni i potencijalni ostali troškovi koji mogu biti obračunati na teret Korisnika leasinga u slučaju ne izmirivanja obaveza sadržani su u Pravilniku o naknadama Porsche Leasinga -a, objavljenom na web stranici www.porscheleasing.ba</p>
1.19. Prijevremena otplata	<p>Korisnik leasinga ima pravo u bilo kojem trenutku izvršiti prijevremenu otplatu Ugovora o leasingu, u potpunosti ili djelimično, prije roka određenog za otplatu, pri čemu Korisnik leasinga ima pravo na umanjenje ukupnih troškova leasinga za iznos kamate i troškova za preostali period trajanja Ugovora. Korisnik leasinga dužan je o namjeri prijevremene otplate obavijestiti Porsche Leasing pisanim putem, najmanje trideset (30) dana unaprijed.</p> <p>Naknada za prijevremenu otplatu se ne obračunava fizičkom licu kao Korisniku Leasinga.</p>
1.20. Informacije o pravima i obavezama Sudužnika (Ukoliko postoji)	<p>Sudužnik označava pravno ili fizičko lice koje je sa Porsche Leasingom zaključilo Ugovor, na osnovu kojega odgovara Porsche Leasingu sa Korisnikom leasinga, pod jednakim uslovima kao i Korisnik leasinga, za sve obaveze Korisnika leasinga (solidarna odgovornost).</p> <p>Sudužnik odgovara za iznos cjelokupne obaveze kao i Korisnik leasing, te je Porsche Leasing ovlašten zahtijevati namirenje obaveza od Sudužnika u svako doba. Ispunjenjem obaveze od strane Sudužnika prestaje obaveza i prema Korisniku leasinga, te Porsche Leasing nema ovlaštenja vršiti naplatu po istom osnovu od Korisnika Leasinga.</p> <p>U slučaju primjedbi na postupanje Porsche Leasinga po osnovu propisa, zaključenog ugovora o finansijskom leasingu i dobrih poslovnih običaja Sudužnik ima pravo podnijeti prigovor na isti način kao i Korisnik leasinga.</p>

Podaci dati u pregovaračkoj fazi (Informacioni List) obavezuju Porsche Leasing na period od 7 dana od dana uručivanja.

Korisnik leasinga: _____

Davalac leasinga: _____

Sudužnik: _____

Broj ugovora: _____